

之日見其羸生魚腥肉豈可充餵岳州之準一辟通商之物鱗萃主九客一之利豈語于愚民人精我靈之象立決千眉睫則任其漏卮尾閼斯伐毛骨如海關故事欺抑屢瓜豆剖破新人撫導苟且偷旦夕之安歟則所以拓工廢之局尤不容一刻之稽緩也工政立工業興百萬窮民胥經消納土匪盜賊一律收拾無業有業無歸有歸賑卹出其中遷善出其中國之財源民之命數相輔并需同條共貫實本塞流計無善此今有至腐極弊之物與最新殊刺者相角逐門械不已以死鼠揮生獅以敗草敵精兵欲不滅亡甯有幸乎然則荷欲轉滅為興易亡為存固抑易易即莫如大興執學衆建學堂宏創工廠富購機器廣選西法多聘西師舉從前揮拳摩刃毆刃殺戮之心一變而為講信修睦舍短取長之誼人巧我拙人精我劣既不能令又不受命孟之所謂絕物豈湘工所宜學哉新工既盛舊工減業故步未改前途互競或落價低值莫希取勝工貨賄微生計瘡痍積念不已號職廠家此在西工故亦偶有卒之舊不敵新從前工人未必不折而入廠執即漸精貨亦遞增不數年後手工盡化機器物貨噴于瀛海矣夫泰西新法近百年事耳向抑拘守棧莽略如吾之今日或且不及故終古大秦至今始席全盛吼亞東彼其不變則如彼既變則如此故吾國之工弗可弗察也國人鄙洋貨憾洋貨究無一人絕不用洋貨倘吾湘之工藝能盛則貨可不洋矣

撫院奏摺

頭品頂戴湖南巡撫臣陳寶箴跪 奏為遵 旨裁汰舊勇改營為旗以節餉需並即另募新軍認真訓練以備緩急恭摺仰祈聖鑒事竊臣迭奉 諭旨飭各省裁汰兵勇節出餉項添練精兵等因欽此欽遵於上年十二月飭令將西安毅安三營改為三旅札委記名總兵黃元果接統即以候選內閣中書黃忠浩另募三旅來省訓練業經 奏明在案伏查湖南各營自近年迭加裁撤後數已無多嗣後屢次奉准部咨節省度支又經陸續裁減現存防營一十六營均係扼緊要地按制嚴肅內親軍前營新後營及經武營每營勇丁四百名駐紮省城暨城外金盆嶺及湘潭之朱亭親軍新左營勇丁五百名分紮醴陵瀏陽攸縣等處親軍副中副前兩營每營勇丁五百名分紮衡州永州兩府所屬各要隘親軍副後營勇丁五百名分紮郴州桂陽州等處地方親軍新右副右兩營每營勇丁五百名分紮益陽縣暨寶慶府一帶慶字中營勇丁三百九十名駐紮常德府慶字左營勇丁三百六十名駐紮澧州慶字右營勇丁五百名挺字中營勇丁三百九十名駐紮岳州府毅安中前左三營每營勇丁五百名分駐辰沅靖三府州兼巡承順府屬又親軍衛隊勇丁一百一十名駐紮省城又巡緝練勇一百名駐紮

新設之南洲廳合計勇丁七千五百五十名營制勇數參差不一湖南幅員遼闊界接川黔會匪遊勇不時竊發以現有之軍分防各屬僅可彈壓地方震懾伏莽雖飭各就防地乘隙操演勢難調集歸併專心訓練此湖南現存營勇實數及分紮防地之情形也值此時勢孔棘亟應另募新軍選將訓練俾成節制之師第餉源支絀異常若防營各仍其舊又須添練新軍餉需增為數甚鉅實有仰屋之勢臣與司道等再四籌議惟有變通辦理將分防各營通行裁減並於中撤遣兩營以節省之餉濟新練之軍雖尚不敷支用究與盡需另籌鉅款毫無憑藉者不同除親軍衛隊及巡緝練勇均人數無多毋庸議外其餘一十六營擬請將現駐寶慶將賀長賓管帶之親軍副右營現駐岳州都司陳德勝管帶之慶字右營兩營弁勇共一千名盡行遣撤並將所留之一十四營改為十四旅每旅勇丁三百六十名統歸一律作為通省防軍其已撤親軍副右營寶慶防地即改調駐紮省城外金盆嶺之經武營移往填紮已撤慶字右營岳州防地即酌撥挺字營各勇慶字左營弁勇分往填紮以期彈壓地方仍不致疏略無備分飭各統領管帶逐加校閱汰弱留強薪糧等項按現留人數照舊章核發惟長夫舊止五成勢難再減綜計裁撤營官二員哨弁勇丁二千三百名其薪糧截至光緒二十四年二月底止並加發恩餉一月遣令歸農每年計可節省銀八九萬兩此又湖南撤營裁勇改旅節餉之情形也擬請添募新勇六旅暫設統帶官一員每旅管帶官一員哨弁五名勇丁三百六十名已於上年十二月札飭前統毅安三營內閣中書黃忠浩在辰沅湘鄉寶慶岳州一帶分投招募除前募三旅外已於二月十七八等日募足六旅一律點驗成軍目前均歸黃忠浩統帶率領來省分駐省城岳州兩處一體勤加訓練務期悉成勁旅以俟擴充庶平時有藜藿不探之威臨事得折衝禦侮之用惟新募之勇均已精加選擇其操演步伐陣式擬請仿照西法器械軍火均用外洋新式尤必選募教習認真訓練以期精益求精其營制行陣變更常格員弁勇丁倍加辛苦糧餉軍裝等項均不能拘守舊章所有統領辦公經費暨管帶哨弁教習勇丁各薪糧並軍裝等件必須另為核議酌量加增約略計之歲需銀十一二萬兩容與該統帶等妥商詳細章程並將招募成軍日期另行分別 奏咨立案臣與司道等通盤籌畫以裁去舊勇之餉項為添練新軍之薪糧每年計不敷銀三萬餘兩糧局司庫久已入不敷支別無移緩就急之法伏查前奉 諭旨飭提各州縣丁漕錢價平餘銀兩另存候撥湖南丁漕統計每年約應提解銀三萬數千用作償還洋款曾不及涓滴之助移為本省新軍餉需實可藉資挹注應請將此項提款儘數截留豁免部撥此又添練新軍籌備的餉之情形也似此變通辦理於全省防地不致疏虞仍當設法籌開利源俟

有端緒再請推廣增練俾湘軍壁壘重新緩急有備以仰副 朝廷整軍經武之至意所有遵 旨裁汰舊勇
改營為旅以節餉需並另募新軍認真訓練以備緩急緣由據總理湖南善後局釐金局營務處司道等會詳請
奏前來臣覆核無異除咨戶兵二部查照外理合會同湖廣總督臣張之洞恭摺具 奏伏乞 皇上聖鑒
訓示謹奏

新軍統領告示

統領湖南新軍威字六營帶中營內閣中書黃 為出示曉諭事 據憲札開照得省城內外防營均有彈
壓稽查緝擊匪盜之責近來城外鄉間等處聞有痞匪藉事生風倚強搶掠結黨橫行不服盤查等事日前長沙
連界平江所屬地方並有擱途搶劫傷斃人命之案殊屬不法已極該營新近成軍駐紮近省地方合行札飭札
到即便遵照督率營哨弁勇隨時查察如有前項不法痞匪立即嚴拿送交長沙善化兩縣訊明分別嚴辦一面
報明本部院查核等因奉此本統領勸告爾各色人等從來劫運之與視人心為定向人能安守本分存心敬畏
即大劫當前未有不可挽回設或非分妄為肆無忌憚人心先壞劫即隨之現今時事艱難強鄰環伺禍變之來
莫可揣測惟有小心敬畏各務正業合力振興乃為自保之方亦即自強之本特此出示曉諭仰各遵照倘有不
法痞徒仍敢藉事生風倚強搶掠結黨橫行不服盤查如前項札行情事不獨召後來大劫即各惹目前近災本
統領定當格遵 憲札督飭營哨弁勇嚴拿送懲決不姑寬毋謂言之不早也切切特示

籌領昭信股票啟

紹興吳會撰

敬啟者於茲紆難因楚國以毀家卜式籌邊為漢廷而輸粟忠義之懷赫然千古矣方今海疆多故 國帑空虛
宵旰焦勞司農仰屋黃真之宮允蒿日時艱奏請籌借華款一千萬兩頒發昭信股票自百兩以及千兩不等週
年五釐行息期以二十年本利全完已奉 諭旨飭部印造頒行各省湘中接准部文之後 右帥率同司道各
輪鉅款以為之倡派委員紳分途勸辦並出示曉諭詳明剴切慷慨激昂凡有血氣者讀之俱為感動伏念我
國家忠厚開基薄賦輕徭道蹤三代耕田墾井帝力久忘厚澤深仁二百五十餘年如一日即近年中東構衅賠
償鉅款儲藏告竭無纖毫累及閭閻乃以時勢日艱不得已而為息借之舉既不責其報効復不勒令捐輸僅止
暫貸數年仍復定期歸款體郵民隱無微不至亞州四萬萬眾逃聽 綸音下達能無感激涕零量其力之所
能靡不爭先恐後矣我輩懷才厄遇壯志銷磨屈計依人時艱莫辨雖曰自食其力並非受祿 天家而叩其歲

入修金何莫非居停廉俸揆諸食毛踐土之義亦未便袖手旁觀况同為中土臣民國事安危即身家性命之所
繫大局如有變動則我輩雖欲涵泳優游安坐蓮花幕裡而不可得矣言念及茲尤不可不踴躍從事惟是彙集
遊遊類皆素修膳既多寡之各別家口有輕重之不同股票至少百金每人認領一紙雖急公仗義不乏賢豪
而在入款無多家口稍重者勢必力有不逮現擬糾合同道各省同修金湊集成數彙繳局中藉伸報効
之忱一張忠義之氣湘省局面雖小即相率特來亦未必能收羅鉅款益當時然此風一開人之欲善誰不如
我儂合廿一行省之同道悉微而行之則贊壤為山細流成海亦未始於 國家不無小補至於領出股票每年
所得息銀若按股計算寄歸各主銀銖較量既覺其煩郵遞往還復多不便即擬悉數存留作為募道中之公項
創設一會名之曰急義公將原捐銀數姓名記載於簿歸在省會撫藩臬糧道首府各署處館者公同輪流經理
凡在事出銀諸君嗣後如有賦閒每於歲暮之時計其人數銀數按股均分以作飲助平時不得動用十年以後
將本銀逐漸領出亦歸經營者妥為存放生息俾垂久遠即出銀之人萬一中有事故其家屬亦得照分惟息銀
無多人數過眾不得不酌定年限事成之後另立條規刷印分送似此辦理上足濟公家之急下復聯同類之情
是一舉而數善備焉彼此商酌意見相同特具公函佈達左右 尊意如以為然即乞先行示復隨將應捐銀數
於一月內匯寄省城吳署吳張兩書房經收隨付收條一紙交來人帶轉存照昭信股票原奉 上諭妥為切
辦不准抑勒等語議立此舉亦各隨捐銀者之本意備或 宏其善量多固弗辭既欲入此彀中少則不可而有
不願同會者悉聽其便未敢勉強惟賦閒之日即不得冀分息銀以昭平允夫友朋急難好義者猶復解囊天步
艱難有心人何能坐視沐數百年休養生息 聖澤難忘合八十五府州縣應舉易舉因利而利以公濟公
出有限而惠無窮誰曰不可唱者一而和者百兼勸其餘美勿敢專用特通其款曲緯將榮恤願同履此忠忱肅
泐祇請 道安鶴候 回玉不既 洪文治 馮用霖 殷葆彝 陳章榮 趙 峻 沈 璠 李樹芳 方
兆楠 吳聲燾 賀仲誠 張振珂 吳 會 同啟

時務學堂三月分中學功課分數榜 ○總理時務學堂 為榜揭事案准 中學院長 表列三月分內課
各生功課分數除清明及西文甄別各假一日外以二十八分為及格所有學習中文各生例應分別獎記惟前
因各生一月內假期過多恐滋弊竇議定以後每月除遇試期赴考外無論事假病假皆以三日為限過此仍當
按日扣分但准照各項例假及休沐期內分數免其記抵據此覆查此次實有溢分者十六人共溢二百零三分

半酌於月獎項下提銀一十二兩八錢按分攤派計每分應得獎銀陸分二釐陸毫即於收支處照領其有實欠分數者照章分別免抵候抵合將姓名分數榜列於後須至榜者 計開○溢分者十六人 戴修禮溢三十二分 張伯良溢二十七分 黃頌繼溢二十七分 朱茂芸溢二十四分 鄭寶坤溢二十二分 唐才質溢十四分 黃瑞麒溢十一分 黃敦肅溢十分 蔡鍾沅溢十分 楊士輝溢七分 楊樹穀溢七分 譚國麟溢五分 方傳鸞溢二分半 李渭賢溢一分半 曾繼壽溢一分半 陳為儲溢一分半 及格者一人 沈崇德○不及格者十人 李炳寰欠一分 師毓岱欠十七分 周宏業欠十九分 以上三人或欠在四分以內或欠因有故均應免抵 譚學芹欠六分 周培鑾欠十分 唐自傑欠十二分 成曜高欠十五分 易鳳翔欠十五分 康錫淇欠十六分 楊樹達欠二十分 以上七人均欠至四分以外記俟續抵

俄懼日人補錄報○每日報云俄人某代俄國海軍大臣智兒突夫氏所草佔旅順口一論其又曰若有妨害俄國伸威力於亞細亞以奪滿州及朝鮮之舉動者又或有使西伯利亞鐵路第准充用通商不准充用經營亞州者俄人須并協力以排斥之矣然現在其為妨害者即日本人也中國人亦不免與人為妨害矣日本由來特立東亞四面環海各地口岸保皆甚固如偶有無備之口岸悉是怒濤千丈不可泊船之地也且全國山岳重峻峯深壑甚多頗有天然防堵到底不可進軍馳馬也況其國民皆悍敏活知進不知退頗有進取的雄氣內無後顧之憂外常欲逞威力現在擴張海軍准備陸軍養百萬之兵造數百隻之艦隊蕩盡財寶而不顧必欲雄視於東方且又以三國同盟索還遼東之舉動為不共戴天之仇雖三尺之童猶切齒扼腕而惡俄人相呼以禽獸必期食其肉是以俄人若有間隙則日人必乘機來矣豈俄國可不懼乎哉然而顧視俄國現今於東亞之情形則除海參崴外悉屬日中韓之版圖未有一良港駐泊艦隊修理船泊之地恰如無目之龍矣於今不急籌防備日人必進而縱橫侵奪可以報昔日之恨也是俄國現在所以欲求口岸於東方強迫中國假東三省一帶也云云

割辦創聞錄國報○南洋新加坡叻報云去臘相傳華人暗約黨類議於歲除日各將辮髮割去并登於西報議論紛紛然有謂辮髮為不雅觀者有謂辮髮久而不洗即覺臭穢難堪者有謂辮髮貽害甚大如機器房中執役者一時不慎致辮髮為機器所絀不免有性命之憂者有謂辮髮或被車輪牽扯致受碾傷者甚有言此物似禽獸之尾者有謂如鐵練之狀者以華人而詆華人可謂極矣嗣有向其詰駁者謂吾輩華人數百年相沿如是

今一旦將辮割去則華不華而西不西尚復似何景象於是黨中人復會同集議欲將其髮全留不難且刊發西報言宜效西人之狀留全髮而短之改服西國之服較為美觀此議不知倡自何人一時從而和之者頗眾云云 怨謗沙侯錄國報○納丁罕日報云俄於東方誠為捷足果使中國瓜分彼之所得自莫與京當英人毫無動靜時聞俄人又思佔據金州漢口旅順等處此無他求立足之固行其并吞之志也聞英之海軍寄泊巨文島此係小島然上當日本海之衝下控遼渤亦形勝之地也英軍在彼固可以規俄德兩軍之舉動但欲不為他國所擠此外尚當有事耳此時吾英在華權力同於無有因客歲夏間中國向英國請借十六兆磅以償甲午賠費英人不答故頗懷恨當其請借之時中國之意幾於無所不可此項借款我英果應並無冒險之事且英之利權在華最多此事果成與中國易於商請不至為他所攬矣今者權勢掃地半由沙侯置若罔聞之故使沙侯之政策不然今日英人在東方之吃虧當不至如此之甚也

論支那之危錄國報○英大光報云欲形支那無救極狀莫善於德人取膠成功之易今日之勢匪惟支那無權自救即告諸友邦亦無有能為代脫此厄者故無有一國將慷慨仗義出而支其危局即無有一國能思出其要領也何獨彼之守舊不變立異於羣雄爭競維新之際哉義者支那之名臣如李中堂者所具奏言有謂方今各國虎視眈眈欲分華地警猶羆狗守肉乘機掠食者然此語迄今已驗且將見諸實事矣今之支那非復昔比矣當日者有盛時聲威足以懾服亞東諸小國訖於新疆之帕米爾且其時遼東雲南始隸版圖支那人豈說先朝猶稱漢事今則遼瀋二邊陷危已甚令人不勝今昔之感矣夫此廣大幅員固支那古先哲人所嘗艱難辛若剪荆棘冒鋒鏑費資財以取之者而今俄人銳意北方欲圖遼瀋前此所以締交支那保遼東不失於日本者皆為今日地而今其果現矣德人則冀謀要害而旅順而縮渤解使一旦旅順煙台亦入他權掌握則咽喉已搯飲食無由繼輔為墟可立而待蓋京畿往來衝道當此鐵路未通僅恃直隸一口為綰轂兵商兩事視此為根本也然支那不嘗有著名運河乎昔嘗疏鑿分瀆為南通水道以備緩急之需且使糧船較航海為尤穩者當可求其利涉勢必動籌巨款始可有成亦非今日支那所暇及也觀今時勢其益顯然者外權有事泰東各有分際不相侵越必有陰謀密約存乎其間不然斷不能保其至今無戰其可想見者如近事德入支那必謀於俄謂俄取遼東德在必允其所以報德者俄不越渤瀾而望山東而已若法者吾嘗揣之彼經營南部縱繞東京疆圍無

虞是亦足矣或更欲并兼福建聊以報前此福州舊怨耶其時肇慶之由大抵與德人侵擾山東相類皆藉教案為名耳支那人之言曰教士前驅槍砲繼至誠哉歷溯支那各地始禍之端皆緣戕害教士而起其既貿貿無知而士夫又斷斷然相誣雖為外人所逼不得已而治兇手以罪而心仍不以為然故雖屢受懲創而不足以勸也我英於各國如此舉動若不甚留意者然我等就其近理者策之則擴充印度邊境繞雲南為最得計如此則握西江至珠江之利權從緬甸逕達支那不煩繞暹羅新嘉坡矣但法人既有志於兩粵之問我又不能無慮然我踞緬甸式蒙已擅先得之勢矣美哉雲南邊境界緬甸式蒙之間已將六百四十英里就地勢而論則印度疆域拓至蜀黔固屬正理也今也無待多時將見堂堂支那變為區區小國矣何者俄人駁駁競進其勢即不兼山西必擁直隸全境遠吞黃河北岸分黃河南岸至楊子江包山東江蘇沿海之地以歸德人我英不能舍棄支那商利必操楊子江之權以保漢口茶業明矣夫分人土地固非善事願吾欲保吾之種以與人爭進於百世之後則此事又焉可不為也不甯惟是歐人各籌其法以擴新編又何以為日本地乎豈日本獨無所得乎夫日本武備已極精練數年之後必握泰東轉移之權其時施諸實事欲求其所大欲又將誰何哉今者歐洲大國咸置日本於度外似亦非遠慮也

- 不纏足會續題名
- | | | | | |
|------|-------|-----------|------------|-----------|
| 廖維熊字 | 湘潭人 | 郭人讓字端生湘潭人 | 歐陽鵬字芋蓀長沙人 | 歐陽坤字竹西善化人 |
| 劉祖恂字 | 牧瀏陽人 | 俞壽頤字斐卿順天人 | 黃 禹字運寅善化人 | 俞壽璋字琢吾順天人 |
| 高維嶽字 | 申甫湘潭人 | 陳時夏字叔常新甯人 | 羅英潤字漱芳甯鄉人 | 陳家慶字介眉新甯人 |
| 熊寶廉字 | 子儉善化人 | 俞 元字三妹浙江人 | 唐行蛟字得雲善化人 | 俞壽銘字舜卿順天人 |
| 帥鍾英字 | 鼎臣湘潭人 | 陳 綬字組甫長沙人 | 胡庚源字淡明湘潭人 | 陳 鼎字尊彝長沙人 |
| 陳 彙字 | 重卿長沙人 | 陳 蕭字及之長沙人 | 陳鵬年字北溟長沙人 | 劉申寅字杏村善化人 |
| 蔣繼元字 | 雲生瀏陽人 | 陳 鉞字稚英長沙人 | 徐兆文字康伯善化人 | 陳鵬翮字運青長沙人 |
| 陳 杰字 | 偉人長沙人 | 李 楫字作舟善化人 | 張希曾字魯卿長沙人 | 唐濟時字成之善化人 |
| 劉生光字 | 閣章善化人 | 彭文煊字元期湘陰人 | 也 粵字華卿湘潭人 | 楊 中字容甫瀏陽人 |
| 唐贊熙字 | 潤之善化人 | 陳超湘字楚臣長沙人 | 歐陽葆玉字韞潭長沙人 | |

日本橫濱中國大同學校告白

日本橫濱中國大同學校已於二月上旬啓館中文教習四人西文教習二人東文教習二人海內志士如欲來學者每月費用七元每年脩金廿五元乞先函寄上海大馬路泥城橋大同譯書局轉達或逕寄橫濱居留地百四十番大同學校亦可并欲來入東京專門學校肄業者本學校可為東道主人且作先容凡海內有欲購日本圖書儀器者本學校均可代辦 光緒二十四年三月初一日謹白

南學會告白

現在各種中西書籍均已購備齊全有來閱書者請至本會製取憑單如因終日閱書需購飲食者可由本會齋夫備飯每餐酌送飯費

時務日報告白

本館設在上海專採訪內地緊要時事選擇西報交涉要情章程體例均做英太晤士報今准於閏三月上旬出報每紙售錢十二文願購閱者請至本館取閱可也此啟

濟世良醫

湘鄉吳君號息機道人 寓湘鄉昭忠祠特白

印送不纏足歌

凡欲閱者請至南正街衙宅領取